

Ô VIENTU CA SCIUSCIA

Pàmmini sicchi e ppruvulazzu
t'ammùcciunu
ntê ciusi ca sciùsci,
vientu,
e strati strati.
Iu nun ti viru,
ma ti s'ientu
ca mi frusci e m'allisci.
ccô to sciatu.
E se m'agghìru
r'unni vièni m'ammùstri ri luntanu
e mi cunti
ca a-mmari i varchi cchê veli ammutti a ppiscari
e ntô cièlu i nùvuli ùnci
nzina ca cièrnunu l'acqua ca ciovì.
E ffrischi ntô ciànu
se ampìnci ntê fraschi
e ntâ gghiùgnu
rô punenti nta-ll'aria
a pàgghia sparti rô ranu.

E appuòi tuorni
ccìù allècru,
ntê strati e ntê ciusi,
a gghiucari.

Iu criru
ca missagghjèri
sàvia
ti manna na Manu
e se rô mari sapuri ri sali
e rê ciusi sciàuru puòrti rê sciùri,
ppi-mmia, ora, râ vita,
gghiùstu u gghiurìzziu ca vali
addhumànnu
e a misura m'ansìgni
rô tiempu ca veni.
E a spranza
ancora mi sciati
ca a manu mi teni
cu mi cunnùci
ddhà via
simenza r'amuri ntô cori.

AL VENTO CHE SOFFIA *Foglie secche e polvere / ti nascondono, / per i campi che soffi / vento / e per le strade / Io non ti vedo / ma ti sento / che mi sfiori e mi lisci. / col tuo fiato / E se mi giro / da dove vieni mi mostri da lontano / e mi racconti / che a mare le barche colle vele / spingi a pescare / e in cielo le nuvole gonfi / finchè cernono l'acqua che piove / E fischi nel piano / se t'impigli nelle frasche / e a giugno / da ponente nell'aia / la paglia separi dal grano. / E poi torni / più allegro / per le strade e nei campi / a giocare. / Io credo / che messaggero / savia / ti manda una Mano / e se dal mare sapore di sale / e dai campi il profumo porti dei fiori / per me, ora, della vita / giusto il giudizio che vale / domando / e la misura m'insegni del tempo che viene / E la speranza / ancora mi fiati / che la mano mi tenga / chi mi condurra / in avvenire / semenza d'amore nel cuore.*